

# **Fasnacht für Menschen mit Behinderungen**

**am 27. Januar 2019  
in der Stuifenhalle**

## **Begrüßungsbütt Bürgermeister Michael Rembold**

### **I. Begrüßung**

*Jetzt isch Fasnacht en d'r Waldstetter **Gmoi'**,  
i` griab Eich alle mit „Wäschgölt **Ahoi'**,  
Stimmung pur ond ganz viel **Radau**,  
machtet onsre Wißlenger mit „**Stuifa hau'**,  
präsentiert wird heit wieder a` prächtiga **Schau**,  
auf onsre Remsgöggel a` „**Hellau Möggelau'**,  
Ihr alle sollt nun onsre Gäschte **sei'**,  
bei Kaffee, Berliner, Floischkäs` ond **Wei'**,  
dafür dank` i` dem DRK aus d'r **Gmoi'**,  
an alle Helfer ond Fasnachter a` „Wäschgölt **Ahoi'**“.*

### **II. Landrat Klaus Pavel / Petra Pachner**

*Wenn Waldstett` feiert, dann wird herzhaft **g'lacht**,  
ond des net nur an **Fasenacht**,  
Gemeinschaft ond Herzlichkeit isch bei ons a` hohes **Gut**,  
macht alle Generationa unterm Stuifa **Mut**,  
so send wir Wäschgölda von Herza gern Gaschtgeber für  
schwächere **Menscha**,  
jene wollet wir was von onserer Lebensfreude **schenka**,  
onsern g'schätzda Landrat Klaus Pavel nehmet wir gern en  
onsere **Mitte**,  
des isch en Waldstett` seit jeher Brauchtum ond **Sitte**,*

en Wäschgölthausa bei dr Fasnacht dreht onser Landrat stets  
mächtig **auf**,  
hat es auch als Büttaredner voll **drauf**,  
seine elegante, grazile Polonaise isch zwischazeitlich **legendär**,  
dau mitzuhalda isch wirklich saumäßig **schwer**,  
bei meiner herzlichen Begrüßung ben i` net **alloi**,  
auf onsren Landrat drei donnernde „**Wäschgölt Ahoi**“.

Das strahlende G'sicht em **Oschtalbkreis**,  
isch onsera Petra Pachner, wie jeder **woiß**,  
sie isch fleißig, zuvorkommend ond **charmant**,  
auch als soziales G'wissa en dr Kreisverwaltung **bekannt**,  
so, jetzt mache m'r mal so richtig **Radau**,  
auf onsre Petra Pachner drei kräftige „**Stuifa hau**“.

Genauso freuen wir ons über da Steffen Alt, da Bernd Klein ond  
da Schultes Christoph **Hald**,  
sie älle lāsst onsra scheena Fasnacht net **kalt**,  
wir freuet ons saumäßig über älle **Ehragäscht**,  
mit Ihne z'samma feiret wir a` riesa **Fäscht**,  
stolz ond dankbar isch Groß ond **Kloi**,  
auf älle Ehragäscht a` donnerndes „**Wäschgölt Ahoi**“.

### **III. Menschen mit Ausbildung / Soziale Einrichtungen**

Es gibt so gewisse Auswüchse en onserer **Gesellschaft**,  
ma mag es net so richtig saga, jedoch fühlt ma sich en guter  
**Gemeinschaft**,  
wer studiera ka`, des fend` i` **toll**,  
nur, i` sag es ohne **Groll**,  
Menscha ohne Studium send mir genauso **lieb**,  
denn sie haltet aufrecht so manchen wichtige **Betrieb**,  
Polizei, Klinika, Pflegeheim ond Rettungseinrichtunga wäre ohne  
sie net **denkbar**,  
als Schultes ben i` über jeden Oinzeln mehr als **dankbar**,  
jeder von ons mit g'sondem Menschaverstand,  
muß endlich begreifa, dass a` Ausbildung isch koi **Schand**,  
was wär denn a` Volk ohne Handwerker, Müllmänner,  
Pflegekräft` ond Klinik**personal**,  
a` recht armselige Bürgergemeinschaft, des sag i` ganz **banal**,

diese Menscha sind für mi` Vorbilder ond Leischdongsträger,  
ganz ohne **Frag`**,  
erfüllet zutiefst menschliche Bedürfnisse ond malochet Tag für  
**Tag**,  
mei` persönlichta Wertschätzung, mei` großer Respekt am  
heidiga **Sonndag**,  
weil i` dia Menscha oifach **mag**,  
es muaß also net zwingend a` Studium **sei`**,  
mit der sich a` jonger Mensch Anerkennung verschafft, des sag  
i` frank ond **frei**,  
so gäb es au` koi` Behinderdafasnacht ohne diese **Stütza**,  
Pflegekräft ond soziale Ei`richtunga müsset wir als Gesellschaft  
no` mehr wertschätza ond **schütza**,  
mit der Moinung ben i` bestimmt net **alloi**,  
auf alle Pflegekräft`, Krankaschwestra, Ei`richtunga ond  
helfende Händ` drei anerkennende „**Wäschgölt Ahoi**“.

#### **IV. Ehrenamt**

A` Sozialstaat kommt ohne a` Ehra`amt überhaupt net **aus**,  
dia Erfahrung machet wir Gmoida tagei` ond tagaus,  
ob em Soziala, en dr Kultur, en de Kircha ond au` em **Sport**,  
ohne tolle Ehra`amtliche goht nex mehr vor **Ort**,  
Oschtälbler, Waldstetter ond Wißlenger hent a` ganz groß Herz  
für **Menscha**,  
deren Einsatz sprengt oft alle **Grenza**,  
send en dr Vesperkirch`, beim Bürgermobil, em Senioraverei`,  
beim DRK ond em Pflegeheim **aktiv**,  
gemeinsam mit so viele Ehra`amtliche goht nex mehr **schief**,  
grad jene Menscha send des Herzstück von **Waldstett`**,  
präsentieret onsere Stuifagmoid so lieblich, menschlich ond  
**nett**,  
send en sage ond schreibe 75 Vereine ond Organisationa  
**engagiert**,  
wirklich alle Generationa send bei ons em Flecka  
hoch**motiviert**,

eines derASSE isch dr Wäschgöldavereï,  
Oberwäschweib Elke ond Claudi mit Präsi Martin send mit viel  
Herzblut **drbei**,  
a' großes Lob aus dr Gmoid von Groß ond **Kloi**,  
auf d' Waldstetter Wäschgölda drei dankbare „Wäschgölt  
**Ahoi**“.

A' weiteres Ass schüttle i' aus mei'm Ärmel **jetzt**,  
onsre Interessensgemeinschaft Wißgoldinga isch mit dr  
Hofkapell', Hofstaat, Prinz ond Prinzessin großartig **besetzt**,  
send auf alle Bühna tolle **Stimmungsmacher**,  
ihr Schlachtruf „Stuifa hau“ isch ällaweil **dr Kracher**.

## **V. Europa / Weltgeschehen**

Net nur bei ons em Ländle fendet Fasnacht **statt**,  
Großbritannien setzt sich mit ihrem Brexit Schach**matt**,  
Theresa May hat nex me zom **Lacha**,  
mensch Engländer, send Ihr no' ganz .....,  
Fasnacht ohne Ende feiert au' a' hübscher Blonder mit  
**Seidascheidel**,  
er isch nach oigener Ei'schätzung weder beratungsresistent  
noch **eitel**,  
verschleißt weder Minister no' **Berater**,  
und nennt sich einen treusorgenden Ehegatten ond **Vater**,  
„Amerika first“ isch sei' **Leitmotiv**,  
klingt en seine Auga weder dumpf no' **naiv**,  
mecht liebend gern a' Mauer **baua**,  
ond herrschaftlich auf d' Mexikaner ronders**schaua**,  
so kommt Hochmut vor dem **Fall**,  
Donald Trumpel hat doch en .....

Au' en onserm Land isch net alles zom Beschda **b'stellt**,  
dia Parteilandschaft en viele Gruppa **zerfällt**,  
d' AFD tritt als hässlicher Spalter ond Hetzer **auf**,  
i' ben dr Moinung, wir brauchet en onserem Heimatland koine  
**Haudrauf**.

*So, jetzt hör' i' auf zom **Läschdra**,  
jetzt wolle m'r alle mitanander **fäschda**,  
des Leba isch doch oifach viel zu **kurz**,  
dass wir ons aufreget über jeden **Furz**,  
es griäßt Eich von Herza alle liab ond **nett**,  
Eier Schultes Michael Rembold, aus dem strahlenda  
**Waldstett'**.*

*Michael Rembold*